

## PAGSUSI GIYA 9

# Ang Imong Poloy-anan Sa Langit

**S**a diha nga nakabalik na si Marco Polo si iyang yutang natawhan sa Venice human sa katuigang nanlabay sa oriente, ang iyang mga higala nagtoo nga ang iyang taas nga pagpanaw nakapasuko kaniya. Aduna siyay makalilisang nga sugilanon nga isulti.

Si Marco naka-biyahi sa siyudad nga puno sa salapi ug bulawan. Nakakita siya'g bato nga itom nga masunog, apan walay nakadungog ug uling. siya nakakita ug panapton nga dili masunog bisan ilabay sa kalayo, apan walay nakadungog ug asbestos. Naghisgot siya ug bitin nga napulo ka tiil ang gitag-on nga ang baba ego makatulon sa usa ka tawo, liso nga ingon kadako sa ulo sa tawo nga puti sama sa gatas ang sulod, ug liquido nga gikan sa yuta nga makapadagkut, pasiga sa lamparilya. Apan walay nakakita ug buaya, (coconut) lubi, ug crudo. Sila nangatawa pagkabati niini nga sugilanon nga iyang gisuti. Apan si Marco nagdumili: "ang tanan nga akong nakita tinuod, matag usa niini. Ngani, wala pa nako masulti bisan ang katunga sa akong nakita."

Ang mga manunulat sa Bibliya nga naghatag kanato sa mga hulagway sa langit milanog sama sa sentimento nga gibati ni Marco Polo. Sa panan-awon ilang nakita ang kahayag nga masidlakon nga ilang masaysay ang kabahin sa mga higala ni Marco Polo, atong imaginon ang "buaya, ang lubi," nga wala pa nato makita, ang mga paghanduraw nga atong mabasa sa Bibliya nagpakita kanato nga ang langit labaw pa kay sa nagalingkod sa panganod ug nagadula sa alpa.

## 1. ANG LANGIT BA TINUOD NGA DAPIT?

Si Jesus nagandom ug tinuod na dapit alang kanato karon didto sa tinuod nga langit.

*"Dili malisang ang iyang kasingkasing. Tumoo kamo sa dios, ug tumoo usab kamo kanako. Sa balay akong amahan adunay daghang poloy-anan, kong wala pa unta, moingon unta ako kaninyo: AKO MOADTO SA PAG-ADAM UG DAPIT ALANG KANINYO, ug kong ako makaadto na, ug maka andam kaninyo ug dapit MOANHI AKO PAG-USAB, ug pandad-on ko kamo uban gayud kanako: aron nga kong asa ako adtoa usab kamo". — (Juan 14:1-3).*

Si Jesus magabalik pag-usab dinhi sa kalibutan sa ikaduhang higayon aron pagkuha kanato ngadto sa human nang daan nga mansion didto sa langitnong siyudad ang mahimayaong poloy-anan labaw pa kay sa atong ihalas nga mga damgo. Ang bag-ong Jerusalem.

Human sa atong pagpuyo didto sulod sa usa ka libo ka tuig, plano sa Dios nga iyang dad-on kining langitnong ciudad / poloy-anan dinhi sa yuta.

Sa diha nga ipakanaug na ang bag-ong Jerusalem, ang kalayo maoy molimpiyo sa tibuok kalibutan. Ang gibag-o natong yuta kini mahimong Permanente nga poloy-anan sa mga linuwas, (Pinadayag 20:7-15).

Unsay gihulagway ni Juan nga maoy nagsulat sa Pinadayag?

*"Ug nakita ko ang usa ka bag-o nga langit, ug ang usa ka yuta nga bag-o, kay ang nahaunang langit ug ang nahaunang yuta nangagi na: ug wala nay dagat, nakita ko ang ciudad nga balaan, ang bag-o nga Jerusalem nga nanaug gikan sa langit gikan sa dios, naandam ingon sa usa ka pangasaw-onon, nga nadayan-dayanan, alang sa iyang bana, ug nadungog: ania karon ang tabernaculo sa Dios uban sa tarwo, ug siya magapuyo uban kanila, ug mahimo nga ilang Dios." — Pin. 21:1-3.*

Human kini malimpiyohan pinaagi sa kalayo, kinsa kadtong gisaaran ni Jesus nga mopoyo sa bag-ong yuta?

*"Bulahan ang mga maaghop kay sila makapanunod sa yuta." Saad ni kristo nga ipasig-uli niya ang kanhi hingpit nga kalibutan ngadto sa iyang orihinal edenik nga katahom, ug ang mga" maaghop maoy makapanunod sa yuta." — (Mateo 5:5)*

## 2. ADUNA BA KITAY TINUOD NGA MGA LAWAS DIDTO SA LANGIT?

Sa dihang mipakita si Jesus sa iyang mga tinun-an sa adlaw sa iyang pagkabanhaw uban sa iyang mahimayaong lawas, giunsa niya kini pag-hulagway?

*"Tan-awa ang akong mga kamot ug ang akong mga tiil. Ako ba kini? hikapa ug tan-awa: ang spiritu walay unod ug walay bukog, sumala sa inyong nakita nako nga naa." — (Lukas 23:39)*

Si Jesus adunay tinuod nga lawas: iyang gisultihan si Tomas sa paghikap kaniya. (Juan 20:27) niini nga okasyon si Jesus naglakaw diha sa tinuod nga balay, nakigsulti sa tinuod nga mga tawo, ug nagkaun sa tinuod nga pagkaon (Lukas 24:37)

Dili mga spiritu ang nagpuyo sa langit, apan mga tinuod nga mga tawo nga malipayon nga nag-kinabuhi nga spirituhanon, ug kansa adunay “mahimayaong lawas”.

***“Kay ang atong pagkalungsuranon atua sa langit diin siya makahimo bisan pagsakup sa tanang mga butang ngadto sa iyang kaugalingon.” — Filipos 3:20, 21.***

Kita makaseguro nga ang atong mga langitnong lawas tibuok ug tinu-on sama sa nabanhaw nga lawas ni Jesus. Atong maila ang atong panimalay ug mga higala didto sa langit.

***“Kay karon nagtan-aw kita sa kangitngit sa usa ka salamin: apan unya, sa nawong ug nawong, karon bahin lamang ang naila ako sa tanan bisan sama nga ako usab nailhan pag-ayo.” — (I Corinto 13:12)***

Sa langit “mag-inilhanay kita didto, magsibtanay, ug magdinayigay ang usa ug usa nga mas suod kaayo sa atong presente nga situasyon karon dinhi sa kalibutan. Ang mga disipulo ni Jesus makaila kaniya sa iyang langitnong lawas tungod sa iyang ilado nga pustora (Lukas 24:36-43). Si Maria nakaila kaniya didto sa lubnganan tungod sa iyang pagtawag kaniya sa iyang ngalan (Juan 20:14-16). Duha ka disipulo sa Emmaus nakaila kaniya sa iyang inila nga panagway. Pinaagi sa iyang pagpanalangin sa pagkaon, ilang naila siya nga Ginoo tungod sa iyang nabatasan (Lukas 24:13-35). Ang mga linuwas seguridad nga makasinati sa mahinamon nga “nawong sa nawong” nga reyonyon sa langit hunahuna-a ang kalipay nga maila ang imong pahiyom sa pinasahe nga kauban, o ang sinate nga tingog sa bata nga dugay nang nagpahulay, aduna kitay walay katapusan nga pang-laban sa pinakabilhon nga panag-ugmad sa labing suod nga panaghigala uban sa pinakamaanindot nga personalidad sa universo.

### 3. UNSAY ATONG BUHATON DIDTO SA LANGIT?

Aduna kitang daghang gibuhaton didto sa langit. Mahitungod pagplano sa kaugalingon gidamgo nga balay?

***“Ania karon ako magahimo ug bag-ong langit ug bag-ong yuta:... ug ako magalipay diha sa Jerusalem, ug magalipay diha sa katawhan ug sila nagatukod ug mga balay, ug magapuyo niini, ug sila magatanum ug kaparasan, ug makakaon sa ilang bunga. Ug ang akong mga pinili mag-apahimulos pag-ayo sa buhat sa ilang mga kamot.” — (Isayas 65:17-22).***

Si Jesus nag-andam ug tagsa-tagsa natong mga poloy-anan sa balaang siyudad, ang bag-ong Jerusalem, (Juan 14:1-3) Pinadayag 21) kini nga bersikulo naghigot nga magplano ug magtukod ug mga balay tingali mga maanindot nga garden ug tanaman, ug mga nagkalain-laing klase sa kabulakan didto sa langit. Kinsay nasayod nga nagpaabut sa langit ang pinaka high-tech ug advance nga civilizasyon nga giandam sa Diyos.

Ang atong pinaka advance nga teknolohiya sa kalibutan karon tingali sa langit dulaan lang sa mga kabataan, nga giandam didto sa “Balay sa akong Amahan”.

Imo bang nagustuhan ang gadahunob nga waterfalls, malinawon nga kabalilin-an ug kaumhan, kalsangan, ug mga kabulakan?

***“Kay gilipay ni JEHOVA ang Zion, gilipay niya ang kamingawan sama sa Eden, ug pagpasalamat ug mga tingog sa huni ug alawiton.” — (Isayas 51: 3)***

Usbon sa Diyos ang yuta ngadto sa usa ka garden sa Eden. Wala nay hugaw nga makadaut sa katubigan ang mga lawa (lakes) magpabilin nga krystal ang tubig, kakahuyan ug kabukiran ang katahum ug wala nay kahadlok. “Didto ang mga immortal nga hunahuna magatutuk sa wala nay pagkapakyas sa mga pagmugna sa kahibulungang gahum, ang misteryo sa naluwas nga gugma.... Ang matag bahin magalambo, matag capacidad maga-uswag. Ang pagkab-ut sa kahibalo dili makapaluya sa kusog didto ang pinakadako nga buhaton ipaatubang, ang pinakataas nga aspirasyon nakab-ot, ang pinakataas nga ambisyon natuman; ug aduany bag-ong mga kahibulungan nga dayegon, bag-ong kamatuoran nga sabton.

Tanan nga bahandi sa universo paga-ablihan aron pagatun-an sa mga linuwas sa Diyos.

### 4. ANG DAUTAN MAKAPANGHULGA PA BA SA LANGIT?

***“Walay makasulod kaniya bisan kinsa nga mahugaw; ni ang nakabuhat sa kalawayan ug bakak; kundili ang mga nakasulat lamang sa basahon sa kinabuhi sa kordero.” — Pinadayag 21: 27***

Hingpit nga wagtangon sa Diyos ang dautan ug sala dili na sila motungha pag usab. Pagpadayeg ni Jesus “mahisama kita kaniya.” (Juan 3:2), nay nga batukan ang hunahuna sa pagpatay, pangawat, pamakak o

panglugos, kita magpadayon sa langitnong mga grasya.

***“Ug pagapahiran sa Diyos ang tanang luha sa ilang mga mata: ug mawala ang kamatayon ug wala nay pagbalata, bisan paghilak, bisan kasakit, kay ang mga butang nahauna nangagi na.” —(Pinadayag 21:4).***

Bisan ang labawng kaaway, ang kamatayon, kini mahanaw sa langitnong yuta sa way katapusang pagkabatan-on ug ang mga linuwas mga immortal” (I corinto 15:53) walay linalang nga mag- antus sa pagkatigulang.

Ang langit dili lang mawala ang sala, kon dili magabaligtad niini. Unsa na lang kadtong mga nag- antus sa mga kapansanan.

***“Unya ang mga mata sa buta mangabuka, ug ang mga igdulongog sa mga bungol makadunog, ang mga piang molukso sama sa mga lagsaw, ug ang dila sa mga amang maga-awit, ug sa kamingawan magagula ang tubig ug ang mga sapa sa kamingawan.” —(Isayas 35:5, 6)***

## 5. UNSA ANG PINAKA-DAKONG KULBAHINAM NGA HITABO SA LANGIT?

Hunahuna-a ang pakigkita sa Diyos sa universo sa nawong ug nawong.

***“Ania karon ang Tabernacolo sa Diyos uban sa mga tawo, ug siya magapuyo uban kanila, ug sila mahimong mga katawhan niya ug ang Diyos gayud magauban kanila ug mahimo nga ilang Diyos.” —(Pinadayag 21:3)***

Ang Diyos nga makagagahum nagsaad nga atong makauban ug magtutudlo. Unsa kamalipayon nga magalingkod sa iyang tilan. Hunahuna-a ang mga musikero nga magatugtug sa musika sama ni Bethoven ug ni Mozart. Ug imagina ang usa sa scientifico adunay kahigayunan makig-abay uban ni Albert Einstein, o sa usa ka pintor nga makigsugilanon ni Michelangelo.

Hunahuna-a ang mga linuwas adunay dakong kahigayunan sa way katapusang prebilihio. Sila makigsugilanon sa tinubdan, author sa tanang musica, science ug sa arti. Sila makig-uban sa pinakasud ug bantugang utok ug kasingkasing sa tibuok universo ug kini nga panaghiusa magasugwak ngadto sa pagsimba.

***“Ug nahinabo nga gikan sa usa ka adlawng igpapahulay hangtud sa usa, ang tanang mga katawhan manganhi aron sa pagsimba sa akong atubangan, miingon si Jehova.” —(Isayas 66:23)***

Sa tinubdan sa kinatung-an sa Langitnong ciudad nagbarog ang bantugang trono sa Diyos. Gpalibutan sa emeraldo nga balangaw ang iyang nawong nagsidlak sama sa nagdilaab nga adlaw; ubos sa iyang tiil daw bildo nga dagat nga gipakaylap sa tanang direksiyon diha sa krystal nga hawanan nagsidlak ang Himaya sa Diyos.

***“Ug ang mga linukat ni Jehova mobalik ug muanha uban ang pag-awit alang sa Sion; ug ang kalipay ug ang kasubo ug ang panghupaw mangahanaw.” —Isayas 35:10.***

Aniay usa kansang kaayo walay pagkapakyas bisan diotay. Ang iyang pagkamatitud-anon ug pagpai-lob ug ang pagkamalumo kini nagapadayon. Dalaygon ang iyang Balaang Ngalan!”

## 6. KINAHANGLAN TUA KITA DIDTO!

Si Jesus nangandoy alang nianang nawong ug nawong nga panagkita; maoy hinungdan nga siya naglukat kanimo gikan sa sala sa maong dako nga bili. Kinahanglan nga ikaw personal ang mokuha niining kahigayunan nga gasa. Kinahanglan maghimo ikaw pakigaad ngadto kang Kristo ingon nga Ginoo ug manluluwas. Imong kinahanglan ang kapasayloan nga gihanyag gikan sa krus, tungod kay:

***“Walay makasulod kaniya bisan kinsa nga mahugaw ni ang nagabuhat sa kalaw-ayan ug bakak; kondili ang mga nakasulat lamang sa basahon sa kinabuhi sa Cordero.” —(Pinadayag 21:27)***

Si Jesus nagluwas kanato sa sala, kinahanglan moduol kita kaniya pinaagi sa iyang Gahum dinhi kanato ug mahamulag gikan sa dili pagkaputli ug dili pagkabalaan. Si Jesus ang atong password ngadto sa iyang haduol ng pagbalik sa iyang Ginharian.

Ug kana nga gingharian mahimong masugdan karon dayon diha sa imong kasingkasing. Sa diha nga giluwat kita ni Kristo gikan sa sala, naghimo siya ug diotayng langit uban niana. Siya makatabang kanato pagdumala niana nga kagulan-an, kapungot, pangibog, kahadlok, ug nagahampak kanato. Ang paglaum sa langit dili paglikay sa mga suliran sa kinabuhi; kini makatabang dugang pagmugnag langit dinhi sa yuta.

Ang gihimo nga pag-survey nagpakita nga “ kadtong mitoo nga adunay kinaabuhian human sa kamatayon nagpakita nga adunay malipayon nga kinabuhi ug dugang pagsalig sa katawhan kay niadtong wala

mitoo.”

Wala nay mas mayo ug mabulukong pagkinabuhi sa imong pagpoyo karon kondili ang relasyon sa pagsalig kauban ni Jesu-Kristo. Paminawa ang lig-on ug hugot nga paghulagway ni Pedro sa pagkinabuhi diha sa pagtoo.

***“Nga bisan wala ninyo Makita siya, inyong gihigugma siya; ug bisan wala ninyo siya Makita karon, apan sa pagtoo NAGAKALIPAY KAMO SA HILABIHAN GAYUD SA KALIPAY NGA DILI MAASOY UG PUNO SA HIMAYA! Sa pagkadawat ninyo sa katapusan sa inyong pagtoo, ang kaluwasan sa inyong mga kalag.” —(1 Peter 1:8,9)***

Kining tanan ug ang langit usab. Kamo nakadiskobre na ba sa matang sa buraska ug abadante nga kinabuhi nga gusto ni Kristo inyong masinate? Palihog ayaw talikdi ug biyae ang iyang maloloy-ong inbitasyon.

***“Ug ang espiritu, ug ang pangasaw-onon nagaingon; umari ka, ug ang nakadungog paingna siya; umari ka ug ang giuhaw paanhia siya. Ang boot, paimna siya sa tubig sa kinabuhi nga sa walay bayad.” —(Pinadayag 22:17)***

Si Jesus anaa kanimo karon, nagasulti sa imong kasingkasing samtang ikaw nagabasa niini nga linya. Siya nag-imbatar kanimo sa “pag-anhi” “umri kamo,” umari kamo.” Dili siya sobra ang kahingawa, mas mamugos. Kon wala pa gayud nimo mahimo kini, niini nga gutlo labaw sa tanang butang mao ang imong kahigayunan sa pagtuki, pagsusi, usisa sa iyong hanyag.

Nganong dili man nimo siya sultihan nga imo na siyang gidawat, ang iyang maloloy-ong gasa ug gusto makig-uban kaniya sa walay katapusan? Sultihni siya nga gihigugma mo siya. Pasalamatni siya sa tanan nga iyang nahimo alang kanimo ug ang tanan nga plano niya alang kanimo. Kon adunay butang taliwala kanimo ug sa Diyos, hangyos siya nga andam siya sa imong pagkadungog sa iyang tingog samtang ang imong kasingkasing mutobag pa, itugyan ang imong kaugalingon nga walay pagpugong. Iduko ang imong ulo niining takna-a ug isulti, “Jesus nga akong Ginoo, ako modulo diha kanimo, ihatag ko ang tanang anaa kanako diha kanimo. Imo na ako sa walay katapusan.”